

Samþykkt þessi, sem sýslunefnd Strandasýslu hefur samið og samþykkt samkvæmt 19. gr. vegalaga nr. 71 30. desember 1963, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 15. maí 1965.

Ingólfur Jónsson.

Brynjólfr Ingólfsson.

SAMÞYKKT

um sýsluvegasjóð í Vestur-Húnavatnssýslu.

1. gr.

Í Vestur-Húnavatnssýslu skal vera sýsluvegasjóður. Skal úr þeim sjóði greiða kostnað við viðhald og lagningu sýsluvega skv. 2. gr. í samræmi við staðfesta sýsluvegaáætlun, sbr. þó 52. gr. vegalaga nr. 71/1963.

2. gr.

Í tölu sýsluvega má ekki taka vegi, sem styttri eru en 200 m, nema götur í þorpum með færri en 300 íbúa.

Sýsluvegur skal aldrei teljast ná nær býli en 200 m, ef hann endar þar.

Sýsluvegir eru:

Staðarhreppur:

1. Óspaksstaðavegur, af Norðurlandsvegi að Óspaksstöðum.
2. Síkárvegur, af Norðurlandsvegi að Fosseli.
3. Hrútafjarðarhálsvegur, af Norðurlandsvegi á Vesturárdalsveg hjá Húki.
4. Eyjanesvegur, af Heggstaðanesvegi að Eyjanesi.
5. Tannstaðabakkavegur, af Heggstaðanesvegi að Tannstaðabakka.
6. Sæbergsvegur, af Reykjaskólavegi að Sæbergi.

Fremri-Torfustaðahreppur:

1. Skeggjastaðavegur, af Vesturárdalsvegi á Miðfjarðarveg hjá Torfustöðum.
2. Dalgeirsstaðavegur, af Skeggjastaðavegi (sýsluvegur) að Dalgeirsstöðum.
3. Núpsdalsvegur, af Miðfjarðarvegi hjá Efra-Núpi að Fosskoti.
4. Núpstunguvegur, af Miðfjarðarvegi að Núpsdalstungu.
5. Bjargastaðavegur, af Aðalbólsvegi (sýsluvegur) að Bjargstöðum.
6. Aðalbólsvegur, af Miðfjarðarvegi að Aðalbóli.
7. Skárastaðavegur, af Miðfjarðarvegi að Skárastöðum.
8. Barkastaðavegur, af Miðfjarðarvegi að Barkastöðum.
9. Uppsálavegur, af Miðfjarðarvegi að Uppsölum.
10. Litlahvammsvegur, af Miðfjarðarvegi að Litlahvammi.
11. Ytra-Bjargsvegur, af Miðfjarðarvegi að Ytra-Bjargi.
12. Finnmerkurvegur, af Fitjavegi að Finnmörk.

Ytri-Torfustaðahreppur:

1. Bálkastaðavegur, frá Heggstaðanesvegi að Bálkastöðum.
2. Heggstaðavegur, af Heggstaðanesvegi að Heggstöðum.
3. Svertingsstaðavegur, af Norðurlandsvegi að Efri-Svertingsstöðum.
4. Búrfellsvegur, af Miðfjarðarvegi að Búrfelli.

5. Tjarnarkotsvegur, af Norðurlandsvegi að Tjarnarkoti.
6. Reynihólavegur, af Norðurlandsvegi að Reynihólum.
7. Svarðbælisvegur, af Sverlingasstaðavegi (sýsluvegur) að Svarðbæli.
8. Huppahlíðarvegur, af Vesturárdalsvegi að Huppahlíð.
9. Reykjavegur, af Norðurlandsvegi að Syðri-Reykjum.
10. Urriðáarvegur, af Miðfjarðarvegi að Urriðáa.
11. Stóra-Óssvegur, af Norðurlandsvegi að Stóra-Ósi.

Kirkjuhvammshreppur:

1. Þóreyjarnúpsvegur, af Vatnsnesvegi að Þóreyjarnúpi.
2. Núpshlíðarvegur, af Vatnsnesvegi að Núpshlíð.
3. Múlavegur, af Norðurlandsvegi að Múla.
4. Gauksmýrarvegur, af Norðurlandsvegi að Gauksmýri.
5. Grafarkotsvegur, af Norðurlandsvegi að Grafarkoti.
6. Vigðisarstaðavegur, af Vatnsnesvegi að Vigðisarstöðum.
7. Litla-Óssvegur, af Vatnsnesvegi að Litla-Ósi.
8. Syðri-Vallavegur, af Vatnsnesvegi að Syðri-Völlum.
9. Ytri-Vallavegur, af Vatnsnesvegi að Ytri-Völlum.
10. Efri-Hvammvegur, af Vatnsnesvegi að Kothvamm.
11. Tungukotsvegur, af Hlíðardalsvegi að Tungukoti.
12. Illugastaðavegur, af Vatnsnesvegi að Illugastöðum.
13. Dalabæjavegur, af Þorgrímsstaðadalsvegi að Þorgrímsstöðum.

Þverárhreppur:

1. Katadalsvegur, af Þorgrímsstaðadalsvegi að Katadal.
2. Grundarvegur, af Vatnsnesvegi að Grund.
3. Böðvarshólavegur, af Vatnsnesvegi að Böðvarshólum.
4. Urðarbaksvegur, af Vatnsnesvegi að Urðarbaki.
5. Ásbjarnarnesvegur, af Borgarvegi að Ásbjarnarnesi.
6. Kolþernumýrarvegur, af Vatnsnesvegi að Kolþernumýri.

Þorkelshólshreppur:

1. Stóru-Borgarvegur, af Borgarvegi yfir Víðidalsá á Norðurlandsveg.
2. Laufásvegur, af Norðurlandsvegi að Laufási.
3. Refsteinsstaðavegur, af Norðurlandsvegi að Refsteinsstöðum.
4. Miðhópsvegur, af Norðurlandsvegi að Miðhópi.
5. Jörfavegur, af Norðurlandsvegi að Jörfa.
6. Árnesvegur, af Norðurlandsvegi að Árnesi.
7. Melrakkadalvegur, af Norðurlandsvegi að Melrakkadal.
8. Nýpukotsvegur, af Norðurlandsvegi að Nýpukoti.
9. Lækjamótavegur, af Norðurlandsvegi að Lækjamóti.
10. Sporðvegur, af Vatnsnesvegi að Sporði.
11. Efri-Fitjavegur, af Fitjavegi að Efri-Fitjum.
12. Króksvegur, af Fitjavegi að Króki.
13. Hrappsstaðavegur, af Víðidalsvegi að Hrappsstöðum.
14. Hlíðarvegur, af Víðidalsvegi að Litluhlíð.

3. gr.

Vegagerð ríkisins er veghaldari sýsluvega.

4. gr.

Hvert hreppsfélag greiðir árlega í sýsluvegasjóð sem samsvarar andvirði þriggja dagvinnustunda fyrir hvern íbúa, miðað við kaupgjald í almenntri verkamanna-

vinnu hjá Vegagerð ríkisins 1. desember hið næsta ár áður en gjaldið er lagt á. Ákveður sýslumaður gjald hvers hrepps og tilkynnir oddvita fyrir 1. marz. Skal það greitt í einu lagi úr sveitarsjóði eigi síðar en á næsta manntalsþingi.

5. gr.

Hreppsnefnd jafnar þeirri upphæð, sem hreppi ber að greiða í sýsluvegasjóð samkvæmt 21. gr., niður eftir sömu reglum og öðrum útgjöldum hreppsins.

6. gr.

Nú á einhver fasteign í hreppi eða kaupúni, aðra en jörð í fastri ábúð eða jarðarhluta, en er þar þó ekki útsvarsskyldur eða greiðir þar ekki útsvar eftir sömu reglum og aðrir íbúar hreppsins, og skal hann þá greiða vegaskatt af eign sinni í sýsluvegasjóð. Skattur þessi greiðist á manntalsþingi.

Vegaskattur skal nema 6 af þúsundi af virðingarverði mannvirkja, en 12 af þúsundi af virðingarverði landa og lóða, hvort tveggja miðað við fasteignamat. Gjald þetta hefur lögtaksrétt.

7. gr.

Undanskildar vegaskatti samkvæmt 23. gr. eru allar kirkjur, skólahús, sjúkrahús, þinghús, félagsheimili og vitar.

8. gr.

Í kaupúnum, sem eru hreppsfélög út af fyrir sig, skal helmingur sýsluvegasjóðsgjalda renna í sveitarsjóð, ef hreppsfélagið ver til vega- og gatnagerðar innan hrepps á því ári a. m. k. jafnmiklu fé úr sveitarsjóði.

9. gr.

Gera skal sýsluvegaáætlun til fjögurra ára í senn og miða hana við sama tímabil og vegaáætlun fyrir þjóðvegi. Vegamálastjóri semur frumdrög að slíkri áætlun í samráði við sýslunefnd og skal hún tekin fyrir og afgreidd á sýslufundi til samþykktar. Öðlast áætlun þessi gildi, er samgöngumálaráðherra hefur staðfest hana. Sýsluvegaáætlun skal endurskoða, er hún hefur gilt í tvö ár.

10. gr.

Oddviti sýslunefndar semur árlega reikning sýsluvegasjóðs. Skal reikningur undanfarins árs lagður fram á sýslufundi til samþykktar og gilda þar um sömu reglur sem um sýslusjóðsreikninginn. Sýslunefnd semur einnig árlega áætlun um tekjur sýsluvegasjóðs yfirstandandi ár, svo og áætlun um gjöld sýsluvegasjóðs með hliðsjón af staðfestri sýsluvegaáætlun.

Framangreindar áætlanir skv. 9. og 10 gr., svo og reikning sýsluvegasjóðs, skal oddviti sýslunefndar senda vegamálastjóra að loknum sýslufundi.

11. gr.

Nú gerir sýsluvegaáætlun ekki ráð fyrir framkvæmdum eða innstæða í sýsluvegasjóði nægir til framkvæmda og viðhalds næsta ár að dómi sýslunefndar, og skulu þá tekjur sýsluvegasjóðs það ár renna til þjóðvega í viðkomandi sýslu, eftir ákvörðun sýslunefndar.

12. gr.

Brot gegn samþykkt þessari varðar sektum allt að 100 þús. kr., nema þyngri hegning liggji við að lögum. Með mál út af slíkum brotum skal farið að hætti opinberra mála.

13. gr.

Með samþykkt þessari er numin úr gildi samþykkt fyrir sýsluvegasjóð Vestur-Húnavatnssýslu nr. 4 14. janúar 1949 með áorðnum breytingum.

14. gr.

Samþykkt þessi öðlast þegar gildi.

Samþykkt þessi, sem sýslunefnd Vestur-Húnavatnssýslu hefur samið og samþykkt samkvæmt 19. gr. vegalaga nr. 71 30. desember 1963, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 15. maí 1965.

Ingólfur Jónsson.

Brynjólfur Ingólfsson.

S A M Þ Y K K T

um stjórn bæjarmálefna í Keflavíkurkaupstað.

I. KAFLI

Um skipan bæjarstjórnar og verkefni hennar.

1. gr.

Bæjarstjórn Keflavíkur er nú skipuð 7 mönnum, en skal eftir bæjarstjórnarkosningar vorið 1966 skipuð 9 mönnum, kjörnum samkv. lögum nr. 58/1961.

2. gr.

Bæjarstjórn Keflavíkur er almennt fyrirsvari fyrir bæinn og skal engu máli, er hann varðar, ráðið til lykta án umsagnar bæjarstjórnar.

Bæjarstjórninni ber að gæta hagsmuna bæjarins í hvívetna og annast þau viðfangsefni, sem henni eru fengin í lögum og reglugerðum, svo og málefni sem henni eru fengin í samþykktum, er hún hefur sett eða á henni kunna að hvíla að öðru leyti.

Meginverkefni hennar eru þessi:

A. Bæjarstjórn fer með yfirstjórn á fjárreiðum bæjarins.

1. Fyrir lok desembermánaðar ár hvert ber bæjarstjórn að gera áætlun um tekjur og gjöld bæjarins fyrir næsta reikningsár (almanaksár). Í fjárhagsáætlun skal sýna í meginatriðum, hvernig fjárveitingu til einstakra stofnana og framkvæmda skuli hagað, sbr. B-lið, enn fremur skal þar sýna, hvernig áætl-aðar tekjur skiptast.
2. Bæjarstjórn á að hafa umsjón með fjárstjórn bæjarins, með því að tekjur séu innheimtar og greiðslur inntar af hendi í samræmi við það, sem ákveðið er í fjárhagsáætlun. Eigi má greiða fé úr bæjarsjóði nema heimild sé til þess í fjárhagsáætlun bæjarins eða annarri ákvörðun bæjarstjórnar.
3. Hún hefur yfirumsjón með því, að eignir bæjarins séu tryggilega varðveittar.
4. Bæjarstjórn skal hafa lagt fullnaðarúrskurð á ársreikninga bæjarins eigi síðar en í júlímánuði ár hvert.

B. Bæjarstjórn hefur yfirstjórn verklegra framkvæmda bæjarins. Í fjárhagsáætlun kveður hún á um, hvernig verklegum framkvæmdum skuli hagað í meginatriðum á fjárhagsárinu. Hún getur og gert heildaráætlanir um framkvæmd tiltekinnar verkefna, er taka yfir lengri tíma, svo og um einstök verk, eftir því, sem ástæða þykir til.